

## SIARAN AKHBAR

Bahagian Hal Ehwal Awam dan  
Komunikasi Korporat Kumpulan  
Lembaga Tabung Haji  
Lantai 16, Bangunan Tabung Haji,  
201, Jalan Tun Razak, 50732 Kuala Lumpur  
Tel : 03 2054 2132  
Faks : 03 2164 0436

Tabung Haji Contact Centre  
Tel : 03 6207 1919  
Faks : 03 7728 4959

[www.tabunghaji.gov.my](http://www.tabunghaji.gov.my)

### PENGUMUMAN AKAN DIBUAT BILA TERIMA MAKLUMAN RASMI ARAB SAUDI

**KUALA LUMPUR, 4 Jun 2021** – Bakal haji Malaysia dinasihatkan untuk sabar menunggu pengumuman rasmi dari Lembaga Tabung Haji (**TH**) mengenai status ibadat haji tahun ini. **TH** akan memaklumkan sebaik sahaja keputusan rasmi diperolehi dari Kerajaan Arab Saudi berkaitan jumlah kuota jemaah haji negara, kriteria pemilihan dan kaedah pelaksanaan ibadah haji untuk musim ini.

Dato' Sri Syed Saleh Syed Abdul Rahman, Pengarah Eksekutif Haji berkata **TH** telah memulakan persiapan awal sejak tahun lalu dengan mengambil kira pelbagai kemungkinan prosedur operasi standard (SOP) dan protokol kesihatan serta amalan norma baharu dalam pengendalian operasi Haji sama ada di tanah air mahupun di Tanah Suci.

Dato' Sri Syed menegaskan salah satu keperluan baru yang diminta oleh Kerajaan Arab Saudi tahun ini adalah semua jemaah haji perlu melengkapkan suntikan vaksin Covid-19.

"Sehubungan itu, dalam persedian awal kami, **TH** telah menyarankan semua bakal haji yang terpilih pada tahun 2020 untuk mendaftar sebagai penerima vaksin Covid-19 dalam Program Imunisasi Covid-19 Kebangsaan."

Hasil inisiatif tersebut, bakal haji dari seluruh negara telah mula menerima suntikan ini disamping satu lagi suntikan wajib iaitu meningococcal sejak Mac 2021 yang lalu.

"Namun begitu, bakal haji masih perlu lulus pemeriksaan kesihatan apabila menerima surat tawaran tunai haji kelak," tambah beliau.

Semua bakal haji disaran untuk membuat persiapan sewajarnya kerana pelaksanaan rukun Islam kelima ini memerlukan persediaan dari aspek ilmu ibadat, kesihatan yang baik, rohani dan jasmani serta kewangan secukupnya bagi memastikan semua rukun dan wajib haji dapat dilaksanakan dengan sempurna. Bakal haji juga perlu bersedia menghadapi kelainan dalam menunaikan haji kali ini disebabkan norma baharu yang akan diamalkan pada musim ini.

Orang ramai dinasihatkan untuk menunggu maklumat rasmi dari **TH** dan untuk sebarang pertanyaan, boleh menghubungi talian Khidmat Pelanggan TH (THCC) di 03-62071919.

**-Tamat-**

## **LEMBAGA TABUNG HAJI**

Lembaga Tabung Haji (**TH**) merupakan sebuah badan berkanun yang ditubuhkan oleh Kerajaan Malaysia pada tahun 1963 dan ditadbir berdasarkan Akta Tabung Haji 1995 (Akta 535). **TH** menyediakan kemudahan bagi umat Islam di negara ini menyimpan wang untuk mengerjakan haji. **TH** mempunyai lebih 50 tahun pengalaman dalam perkhidmatan simpanan, haji dan pelaburan. Sebagai sebuah institusi haji terunggul negara, **TH** berusaha untuk mengukuhkan ekonomi umat Islam Malaysia dengan memanfaatkan dana dan sumber sedia ada. **TH** komited memberi perkhidmatan cemerlang dan memuaskan kepada semua Jemaah Haji Malaysia. Pencapaian **TH** yang konsisten telah mendapat pengiktirafan dunia sebagai model pengurusan haji inovatif. **TH** mempunyai lebih 9 juta pendeposit dan 123 cawangan dengan lebih 10,000 'touch-points' di seluruh negara. **TH** juga mempunyai sebuah pejabat yang beroperasi di Jeddah, Arab Saudi di bawah Konsulat Malaysia.

Untuk maklumat lebih lanjut mengenai perkhidmatan Tabung Haji, sila lawati [www.tabunghaji.gov.my](http://www.tabunghaji.gov.my) atau hubungi Tabung Haji Contact Centre di talian 03-6207 1919. Keterangan lanjut mengenai siaran akhbar ini, sila hubungi:

<b>Affan Aimaduddin Azami</b>	<b>Mohamad Naser Jaffar</b>
Penolong Pengurus	Pengurus Kanan
Bahagian Komunikasi Korporat	Bahagian Komunikasi Korporat
Lantai 16, Menara <b>TH</b> Tun Razak	Lantai 16, Menara <b>TH</b> Tun Razak
201 Jalan Tun Razak	201 Jalan Tun Razak
Kuala Lumpur	Kuala Lumpur
Tel: 03 2054 2238	Tel: 03 2054 2451
Tel. Bimbit: 019 984 7138	Tel. Bimbit: 019 200 8438
Faks: 03 2164 0436	Faks: 03 2164 0436
Emel: affan.aimaduddin@lth.gov.my	Emel: naser@lth.gov.my